

明

詩

紀

事

明詩紀事

貴陽陳田輯

辛集

陳忱二十四首

枕字遐心烏程人有雁岩詩集

韓純玉明詩兼詩人隱逸者唐如張志和陸鴻漸宋
如林君復魏仲先明如孫大初吳孺子輩身雖隱而名愈彰未有身名俱隱如吾鄉陳君雁岩者雁岩與予同處城闈間相去止里許生平未識其面并不聞其名沒後始見其詩及雜著小說家言驅策史冊故如數家珍而徵擲無聊耽解不平之氣時復盤旋典故於情盡之上亟覓其全集已零落不能多得矣夫夫言笑則其埋名匿影於古詩人之隱者何如也

田按遐心苦吟類郊島大節似柴桑集中九歌激

悲壯聲出金石詩綜僅錄一詩安足見所長韓子言笑連烈

序遐心詩致歎於同居桑梓將不能一接其音容

影匿聲沈言之痛心古今詩人淹於荒煙蔓草而無
隻字以傳此株詩者之責也

春日田居

石田不力耕蒲稗供鬼雁陌上不植桑荆榛任延蔓豈不念
飢寒所得在閒散租吏急追呼我獨忘憂患悠悠北窗眠山
光變昏旦晴暉滿戶庭春風勸餐飯名業炳身後千秋亦云
暫仰彼百尺松蒼然覆清磽

訪倪羽飛

雲林散寒陰隔溪蕩蕪廬長吟放漁艇把櫓還抱書入門証
肝膈淡泄松窗虛魚疏存古致醉後將何如東風綠兩岸凍
草留踟躕

香谷上人投詩敬夫清新可讀因同過訪

異哉西谿翁窮年被詩祟聞將嶺上雲引入發精粹破壁逗
奇光直算畫公位三日不能去遙思亦無爲坦步飲湖光雙
峯十里翠野煙深閉門叩門更何忍動止肅古儀聲聞兩無
愧不知天地間正始尙全備誤討三十年往日輕鶻嘗牆陰
吹冷香一喜墮老淚袖得新雲歸周鄭且交質

南溪秋汎

雲石折一溪古木陰數里幽禽鳴兩岸漁家日成市停午理
輕楫晴波作煙雨野情易爲適沿溯無起止叩舷讀楚騷黯
然二三子萬事阻于戈秋遊從此始

題東池草堂

大隱不買山亦不溷朝市林皋遠人境結廬傍河渚佳樹蔭

蒼蒼高堂曠無比北牖映桑柘南榮植蘅芷蓮荷雜菰蒲陂塘引溪水香山池上篇其義恆竊此力田不自欺先春舉耒耜蟋蟀隘廬風歲晏寬婦子客至陳魚蔬率真忘汝爾慷慨寄詠歌酒磬拂袖起豁然吐心胸爽氣西山紫

九歌四首

江南半壁已崩裂處小朝廷尙求活錢塘不至三百廟仙霞嶺上烽煙撤拋戈解甲誰適諷南人願試北人鑑青苔白骨沒野蒿檻猿籠鳥何所逃

江頭野老何所依羊裘五月坐漁磯風波險絕終不顧長鑠託命恆苦饑掉頭豈復念妻子懷沙哀郢知者稀長安奕棋多反覆有足那肯加帝腹

我今潦倒垂半百相逢猶爲披肝膈寒風刮天雪一丈獨立
柴門遲我客荆卿入秦何足多遂令白虹能貫日抱膝長吟
環堵中草澤自有眞英雄

黃塵汨汨白日荒連年征戍背裏蒼孤城晝閉黑雲壓搏人
當路嘯豺狼肌膚皴裂足重繭那能握粟占行藏丈夫生死
安足計但求一寸乾淨地

人日立春

春來如有故天亦豁重陰自信山家厯疇諭世上心麥畦沾
淺綠梅影受孤吟南牖從茲起林塘煖易尋

秋晴喜凌山賓過訪

秋霽經三日柴荆敢一開故人當我念野艇載書來古道頹

相挽詩名享不該行藏知久定未許世多猜

過妙峯精舍

山氣逼遊屐羃香國裏來
麥新吹過綠松小點成苔
漣石支筇影寒雲戰茗杯鐘聲回望遠千嶂一門開

雜感

所憂非一事初不念飢寒慷慨真無謂悲涼實有端煙雲終未幻天地幾曾覓客到須藏草詩多行路難

九日前一日重集東池

東野曠無事吾生幸不才好秋難閉戶多難莫登臺白髮傷心客黃花明日杯只因高處險仍到水邊來

若城早發

東塘八里店殘月蔽蒼煙聽發山城角來乘春水船時危
道路老去惜詩篇厯厯羣峯出孤帆向日邊

秋夜宿蓮花莊

水向月湖入蓮花故國秋無端深夜雨忽動一身愁柿葉紅
書屋山嵐溼畫樓鳴笳激清淚宿柏近城頭

答長文春盡見訪雨宿之作

無事且危坐匆匆莫似春天低雲泊樹世亂病留身詩自用
卿法家何類我貧不知今夜雨還有共聽人

寄懷黃長文兼呈湯海林

悠悠道路與誰論况復聞君深杜門遯世欲尋前日約臨風
恆憶別時言干戈物命今方賤耕鑿衣冠道自尊唯美几邊

多靜侶紙窗燈火共黃昏

輓嚴閑止

周粟先辭首稽盤高風誰念子陵灘
經大旨通三傳野火空堂閉九棺單絞殮時零白露雙首孫自守儒冠孤墳就築吟壇上雲暮低空土不乾

雨夜宿崔湘輓齋

齋閣春陰燈影昏琴尊無恙舌還存久知比屋多高士思欲移家傍水村故榻三年雲未埽新松一夜碧生痕浮天雪浪經時雨風景瀟瀟且閉門

秋日途中卽事

秋光踏遍桂花時負手豪吟發靜思菱葉田田鳧睡穩籬暉

淡淡犬聲癱稻充飽眼香千里煙壓衰楊影萬枝舊事已拚
東逝水鬢華不畏晚風吹

早林道中

沙鳥唳雲剩半聲孤篷閉雨暮還晴客帆盡向橋邊落野廟
無煙卧戍兵

詠史

鐵騎空殘石晉家豈能一日戀中華不知當日馮讐記曾到
胡林哭帝妃

康王寺

南渡鑾輿駐蹕多只今疏磬出煙蘿遺民不識中興主猶喚
康王是九哥

傅古衡

三
卷二十一
二十九首

古衡字平叔臨川人給事中櫞子有湘帆集二十六

卷

陳季逸癡山集平叔編集甫完握手手咄咄自道
不關世用無由預廊廟制作而研窮天人神鬼之道
逼窄多弗暇區區草野應酬縱甚能妙要無足存
予於長安有遠志卓識而盛時師友又世所稱偉特故
爲浮麗無用之學其學不苟同亦不好立異持論固
平審核通達事務又熟本朝故實因革興衰是非邪公
將以施之身施之家國宜無不可者多難之際欲丁無失
歐陽澈陳東復欲爲季蕡拍賣皆不果嗚呼平叔少失
阨以科第終錮以泉石且蓬轉於桃穴掘洞之鄉失
定宅雖復寄意綿渺招不來而塵不去平叔固不失
爲平叔然而非其素矣王士禛贊以有聞文平叔古文實出大士子之右味
陳艾以附士禛尾續以有聞於世耳食者也

鮚埼亭集外編平叔湘帆堂集在江右諸公中文品

出王魏之上然本領稍薄魄力亦孱耳平叔之父給

事天啟間爲奄黨麗名逆案故平叔終身不交復社

諸公以平叔之文不能雪其父孝子慈孫之誠也

田按平叔古詩蘊藉安雅有才儲深致時或效王半

山七律音節爽亮出語清新余謂平叔古文堂濂未

宏不若其詩之精詣世獨稱其文何哉

論俗

辛卯建寅月癸亥始立春兵從西南來聞諸道路云流丸少
甌臾荷殳呼我門雞鳴測昏夜不躬於其耕是日浮氣噎眾
皆感所因爰有里豪輩率之聽於神報賽古道然茲理宜引
伸山有藥公祠由來號懷仁生爲豫章守功德留清禋史稱
成都火萬里得無焚賜卮尚不醉豈屑此芬醞十室災祥命
纖忽繫穹旻卜筮徒蹙蹙祈請空崩奔磨刀何霍霍置俎各

紛紛人孰不每生戮物以藩身黠鬼猶竊笑況復漢直臣矯誣釀酒肉悲哉愚俗民

同諸友河橋晚眺

春從道中度跋余集維夏相勞入纓塵遊觀自初夏河梁喧未息升月波上瀉少時麻姑容至今多變化遠藹際高原落景浮城榭寺鐘夾岸生檣鳥帶星下淡淡川響隨依依夕風借曾是皋壤歎而靡春秋暇終懷信美談歸哉視吾稼

涼棚

赤日土山焦南籞迫初照諒無姑射才煩襟損清妙伐木課樵餘繡棚佐深篠藤格蔽無名花庵偶相笑溫公有花菴詩翠疑赫曦薄靜覺涼颸召未妨逸人眠頗恣成公嘯盤石蔓潭陰思

垂千尺釣

雨中望塔

新涼日上衣起坐朝雨兀負牋閱高標勢若溟波碣煙侵欄
下生風入鐸中發晦冥仰猶尊威儀瞻未竭昔時古德心等
觀羣辯訥有待忘鐘磬無諍謝嗟咄予乃枯槁人流浪居巢
窟思躡層梯顛江海窺出沒秋色隔蒼茫鹿田憇晞髮屏慮
接歸根清境賴宵月

謁陶桓公廟

在都昌城中像甚古

朝憩大湖舟迺在鄖陽邑仰見陶桓悔不衣冠入幸當散
髮年勞勤久非習徘徊鐘鼓鑑懦夫忽將立度豁元規來志
合太眞泣永懷江左人往往未可及瑤琊業已乖北府義空

集公孫獨遙議皇與平揖

四松堂飲酒詩

有序 錄五

余性夙不善飲數斟以還自謂劉阮之趣莫或異也
此乃欲以酒爲年既醉無徒侶聊用敗筆棄紙題數
句自娛詞不能雅亦懶改擇爰命兒子錄之非敢和
前人也以飲酒名篇此亦遭人之目耳

初夏宜讀書俯仰在一几有時思麴生甘苦適人旨旣鑪身
外忿善佐篇中喜鉤浮坐不空鑪傾立終侍予歌雖若瘞汝
醕我失鄙方憂疑難多胸懷忽如洗乃知自驅惑誠謬徒好
事醕具焉可無遂成每設醴種秫苟無田我憂勝筭市祇妨
索酒時妻子諾不唯

閭披嘉靖志撫亦稱仕國一從樂史來釋褐幾千百上自中書堂下至二千石其餘令長徒匱塗用遺墨功業及文章晨星屈指得往往將姓名問人對以默鄉里尙茫然豈在遠史冊科名力如此何況衣盡白速宜飲十觴不必待賔客

旁人嗤我醉謂忘貧賤恥汝旣不知詩安知濁醪理嘗讀戰城南又覩石壕吏酸辛入鼻端清淚下靡靡閨中無揭衣塞上無遊子牧犧非孤居梁鴻未出里譬彼乘空鳥偶避田基矢舉家蘆葦中焉得不暫喜

我未勝杯酌陳生學七賢我欲營糟邱陳生誦初筵兩人合共飲奈何相避然反似劉公榮虛坐嗣宗前卽事成今昔物理悟推遷得非琴瑟和不能專一絃全神予晚德攝生子思

愆若令湛湎俱久作酒中仙絕長各補短可以獲延年
潔士不厭吝豪士不譁貪既袒各取道有如朔暨南唯彼醒
與醉可以和酸鹹理隔異孔墨趣同似瞿聃君去余欲瞑至
今猶美談豁達觴酌間何必臾且監吾觀禮法士文俗令人
慙閉門對孤岫命酒缺雙柑試抽山海經珍錯發苞緘襄陵
浩方割龍蛇氣正酣敢告神禹王無庸憎荒耽

效鵠雞行

偶食濡肉投其骨蟻呼羣類爭奔趨雞來逐蟻空驚散自覺
不仁雞未驅家雞穴蟻猶強弱人坐食雞雞俛啄烹雞謝蟻
勢不能蠶鼠郊天食牛角

海棠樹引

周鎬臣酒中述其里中老常侍所說甲申事甚與野語不符哀而記之

潼關失險黃河狹廣明大盜窺御榻萬官袖檄吞炭聲一朝
鶴鳴空閭闕太僕无馬奉至尊礮飛落瓦九廟門長秋天上
宮女泣露皇威前花籠溼問誰扈蹕二王公身騎社稷父手
立跪攀繩帶忙叩頭置之海棠樹陰幽奏罷遲天下階去鳳
沙先導山陵路愚哉羣賊索都城豈有國破英君生況復滿
朝皆良善藏亡匿死非難辨老瑞墮淚述蕭牆總覺民間聞
見舛可憐一帝只一奴區區臨事潔不汚宮柳又青苑花紫
雲暗海棠對株死

東鄉政

配鹽幽菽來浯溪一斛半兩精朱提乍燃薪火炊香粒不慕
秋肥烹伏雞山中木葉煎洗耳石罅流泉漱礪齒何當推倒

白鹽山共下尊鑿一千里

雜詩

埋身于祿篇江左動經年落魄牛頭闕歸心雁字天青溪搖
白塔雷岸隱風船悔不耕廬阜恆糾二疊泉

攤書

何由中祕讀不遺故園看老友隨家落新知覓歲寒眼光猶
透脫心緒惜叢殘畢竟無奇字從人貰酒難

別陳伯璣

頻年離合夢汝我各舟車衰鬢營藤杖貧新失板輿才名建

業水世味武昌魚歸去門應杜時時一入盱

自若來居慈意有春盡且登山句因用爲題以贈

蕭然無事心屋外惜春陰細草出門遠餘花背嶺尋人煙村
樹滿鴨水野田侵蘭若當峯盡還同靈澈吟

雨望廬山彭蠡間

數面廬山不辨遊利名牽愧白江州東林泉石過曾愛左里
風波夢亦愁吊望昔年棲落日歸帆幾度怨殘秋康郎戰處
猶存廟瞿口滔滔水北流

埽先孺人墓且卜先太常宰兆哭記一章

風雨魂消古渡頭十年馬鬢思悠悠鶯紅滿地餘生泣我蓼
終天亂後憂祖考有知應索杖山川無語似藏關不須大刻

豐碑字無限園林或繫牛

辛卯八月懷章門諸子

龍沙寺畔月新弦雜斷江流競著鞭磨鏡未齋尋孺子斬蛟
重鑄問真仙前朝畫閣餘秋水故老祠堂入野田無論歸舟
并馬上不妨憑弔及諸賢

遙寄後雲門僧

吳中才壓辨亡論入雒難辜大帝恩家世蓬萊尋禹穴淨湛
笠澤號雲門楞伽字裏驪鳴咽壤色衣間筑吐吞不詰百年
牛李事看他垂拜杜鵑魂

讀閻刻兩相詩

誰遣羈心不可治青編俱是黑頭詩鍾陵玉碎經遊地鎮海

星沈失路師行在尙方何處繖瘴鄉老柏共成祠轉傷王戌
初看榜正是甘泉失火時

暑日即事柬癡山

午枕煩歎夢不清茅堂已就土微平攜書欲借花陰讀聯句
新尋竹影盟杳至詩文堆几席遙通戲謔絕冠纓晚涼鄰曲
無來往百尺松濤待汝烹

聞南磈碧潭菴改造畢工欣然有寄

舊隱招提夢隔年不堪塵俗混人煙那知別後支公老更有
山中長者緣深逕莫移原映竹閒房須近好聞泉自憐陸處
全無屋終愛空門受一廛

廬陽對雨送曾子謙歸里

空階滴懸雨秋同客裏惟君馬首東離別幾時今五月平安
剛寄第三封西溪定約尋殘菊夢水難隨渡晚風歸向金鳳
山下路知應特取囊頭紅

雨中效穆伯長江南體

水鳥飛亂豫章下茅君暑雨秋欲初碧紗窗開吹少女青山
塔隱思大姑鏡髮千條鬪檐溜歸心一滴催漏壺夜涼剪燭
不成寐花落恨劇春鶯鵠

暑讀武林舊事

松風不許借華陽小洞門邊細納涼枕上武林悲舊事一時
肌粟翠寒堂

芥椒錄

二十年來轉斡嫋青宮，幾歲尙蹉跎。無端春水秋山去，落盡

回心院裏花

雨中遣疾口號呈燕及仲章

晝雨臺中夜雨歸，雨中心事夢中非。蒲團曲几辭公等，除着
維摩看墨微。

余懷三十一首

懷字潛心一字無懷又字廣霞自稱號持老人莆田人
僑寓金陵有味外軒橐研山草堂詩

漁洋詩話余潛心莆田人居建康嘗賦金陵懷古詩
不減劉賓客順治辛丑屬嚴子餐寄予廣陵子谷詩
云千載秦淮水東流繞舊京江南戎馬後愁絕庾蘭
成鍾阜蔣侯祠清溪江令宅傳得石城詩腸斷蕪滅
客
詩貌潛心詩純以氣象勝是初唐沈宋之遺

十五國風高音集並茶水日澹心詩格如入芙蓉之寶帳撫玳瑁之雕琴玉英琪蕊總異人間麟脯胡麻如來仙洞所謂入唐人之佳境而化焉者也。本事詩澹心流寓南中徵歌選曲儼如少俊梅郊贈言有石子岡頭聞奏伎瓦官閣下看盤馬之句過江風流應復推爲領袖。蘭陔詩話澹心作板橋雜記曲中事甚悉自比夢華錄其詩清而能綺麗而不靡明季莆田詩人莫能與之抗衡。

田按澹心詩擅六朝之華藻運唐賢之格調吐屬雋雅角逐詞場不減子山袁藍小杜風流

溪宿

秋月涼於水秋水清於月水月漾空明寒光浸肌骨竹雞叫
青林山鬼曉翠樾坐令悲秋人一夜生華髮

褚河南書枯樹賦爲孝升作

涼颸颸颸山鳥呼丹青滿堂招酒徒煙黃露白木葉下芙蓉

畫泣三千姝主人好客恩芳草金鑑玉案供濂倒湖海風塵
獨酒杯江南楊柳新亭道昨夜楓林叫鳳凰朱簾宛轉明月
光庭梧欲作瀟湘雨崖桂先摧建業霜牀頭皎胎瀉秋水寸
絲尺綿雲霞起就中一卷索題詩六朝詞賦初唐字平生蕭
瑟庾子山婆娑枯樹動江關樹猶如此嗟何及繁絃急管天
應泣臨池者誰褚潭州詰侷瘦健拔老湫銀鉤鐵鬱更嫋媚
行間自帶英雄氣當時歐虞八法工文皇曆賞君臣同豈知
牛農亂天紀嶺眉竟向鬢煙徒好蓄此賦十本餘漢南搖落
增歎歎古人氣韻今人得蒼蒼坐卧忘頭白今宵沈醉太常
齋飛箋肇軸皆奇才嗟余坎壈填溝壑十年夢到屏風脚衰
歌夜半風雨來悽愴江潭淚雙落

茲溪四時艷歌錄

我有玲瓏秋玉珮贈君鑑中三尺冰桂
潭波瀾滟照姑射玉人吳潭打蛟起煙梧露井隔銀塘美人彈等坐曲房倒轉天河
寫明鏡碧湖射落秋天影

雨後登湖心亭

雨歇舟初定煙波擁一亭橋分千頃綠鐘斷數峯青靄水浮
明鏡環山列翠屏登臨憑極目愁絕是西冷

遊憩南屏靜寺

小雨催搖櫂湖南別有天幾家臨水住一塔倚天懸磬出花
邊磬香流樹杪泉絲衣暉欲冷高屐破雲煙

偶成

風雨十年夢乾坤一病身已知隨燕雀莫問畫麒麟太白非
因渴陽烏不照春桃源空有路無復避秦人

長干秋興

夕嶂偏增翠殘陽遠送行砧聲隨落葉笳吹滿歸城野水今
年澗鄰雞昨夜鳴躡躇征戰地重見古人情

送陳徙侯之采石

亂離頻送別杯酒最關情往日愁中過新秋江上行片帆湖
海氣兩岸鼓鼙聲細雨高樓外看君渡石城

夜泛胥江

月色照吳縣盈盈江上花寒雲送歸雁遠浦動棲鴉暮笛長
吹客春帆早別家不知芳草路來往是天涯

送錢季水之武昌

貧賤方知別更苦亂離真覺此身難丈夫長揖出門去幾處
孤城駐馬看楚水落花官舍迴吳山帶月草堂寒愁來苦憶
諸兄弟好把雙魚託釣竿

贈秋浦劉輿父

辛苦驅車到舊京臨風攬涕說平生身當戰鬪空存骨家爲
饑寒已廢耕何日涉江舉杜若有人閉戶種蕪菁暮雲羌笛
長干寺卧聽秋堂蟋蟀聲

和楊炯伯見贈

種瓜何地是青門愁見濛濛八表昏芳草故都春閉戶落花
寒食夜關樽荒雞鳴處誰能舞舊燕來時我尙存雨後不知

山徑滑遲君雙屐印苔痕

由畫溪三籌至合溪

畫舫隨風入畫溪秋高天闊五峯低綠蘿僧院孤煙外紅樹
人家小閣西簷水長清魚可數篁山將盡鳥空唳桃源不是
無尋處楓葉紛紛路轉迷

金陵雜感

六朝佳麗晚煙浮擊阮彈箏上酒樓小扇畫鸞乘霧去輕帆
帶雨入江流山中夢冷依宏景湖畔歌殘倚莫愁吳殿金釵
梁院鼓楊花燕子共悠悠

送別剩上人還羅浮

萬里孤雲返故關一帆春草渡江灣幾年浪迹干戈裏何處

藏身瓢笠間愁聽笳聲吹白日苦留詩卷伴青山羅浮此去
非吾土須把蓬茅手自刪

和肯堂韻贈巢民

百年風雨聚金闈遊子相看兩鬢霜白馬清流成隔世黃雞
濁酒醉他鄉留賓自割東西宅對客何分上下床幸有故人
供祿米不須道士學休糧

戊午元旦墨禪菴試筆

海內揚塵苦戰征閉門高卧省逢迎百年強半睡未足五岳
胸中氣不平柏葉浮杯傷老大梅花挿鬢睨公卿金陵宅內
千竿竹遙聽晝聲和雨聲

題宮紫元春雨草堂圖

流水孤村第幾橋。一亭春草雨瀟瀟。尊開北海遲新月。船過西湖帶晚潮。
人爲窮愁多著作地。因征戰罷漁樵。杜蘅芳芷繚天末。鶴放孤山不用招。

孫楚酒樓

江南城西酒樓紅無數。楊柳送春風。孫楚去後李白醉千年。
不見紫髯翁。

分甘餘話青箱雜記云王安國詩好用酒樓常問子
詩有幾酒樓余因憶甲子奉命往祭南海大雪渡潯
陽江後二十二年作詩贈蜀城人樊祓云苦竹黃蘆
滿目愁嘈嘈切切似江州茫茫九派多風雪憶泊尋
陽舊酒樓不知安國見之以爲何如也又陳倉有古
賣酒樓東坡嘗賦詩子丙子再以祭告入蜀過之題
一絕句云昨向宜南下苑遊曲江煙草似悲秋珠簾
甲觀俱黃土何必陳倉賣酒樓故友余澹心詠孫楚
酒樓云云子選入感舊集此亦二酒樓也

雨花臺

雨花臺下草青青落日猶銜木末亭一綫長江三里寺千年
鶴唳九秋雲

勞勞亭

蔓草離離朝送客驪駒慙唱新亭陌夜深苦竹唳鷗鳩空
獨宿頭皆白

帝王廟

帝王將相一杯酒落葉噦烏霜滿簷祠廟英靈今在否鷗鳩
飛去月纖纖

上已雨中看花作

棠花閒盡又梨花燕子春波蹴尾斜何處繡簾彈錦瑟美人

寒食又天涯

吳門雜感二首

搔首紅闌七十橋
鬪雞陂下草蕭蕭
無端醉擊雷門鼓
嚮花陰哭海潮

茂苑樓臺接五湖
尊絲菱片野雲孤
煙波一櫂鳴夷子
閒對西施話沼吳

無題

紅蘿亭下寫蛾眉
憔悴江南剗襪詞
依舊西園綠蝴蝶
春風吹上木蘭枝

遠遊詩三首

衡嶺閒遊遇懶殘
至今煨芋未曾餐
山人何事輕衣紫
笑殺

桐江一釣竿

紛紛花柳映沙隄
豈有千金購馬蹏
痛哭江陵張相國
孤墳猶在洞庭西

一杯江水謝東山
賭墅蕭蕭渾是閒
莫怪老僧頻捉鼻
也曾談笑到人間

李笠翁招飲出家姬演新劇卽席分賦

鉶動花飛素口開
狂言忽發紫雲迴
湘簾直下風吹起
舞出山香薛夜來

贈尹春

紅紅記曲采春歌
我亦聞歌喚奈何
誰唱江南斷腸記
青衫白髮影婆娑

費密二十五首

密字此度新繁人知府經虞子有鹿峯集

池北偶談此度少遇逆獻之亂竄身西域不毛之地
已乃溯漢江下遊吳越居淮南老焉常寓泰州州守
爲除徭役予曾見友人几上一卷偶取視之其首篇
云大江流漢水孤艇接殘春問之乃密作也遂賦詩
與定交密跛一足後往蘇門謁孫鍾元先生稱弟子
李調元蜀雅吾蜀詩人自楊升菴趙文肅任少海熊
南沙四大家後古學幾凌遜費氏父子起而振之其
詩以漢魏爲宗遂爲西蜀巨靈手

田按此度詩格律老蒼才筆雄駿集中長篇有杜老
北征遺意李雨村稱爲蜀中巨靈手有以也

詠史

山東無足事連衡欲用秦咸陽方逐客歸作大梁人少年縱
飲博任俠顯諸侯無人求劇孟藏劍宿娼樓

北征

邦國遇塗炭歲已八九徂辰轉山澤間困憊意不舒壬辰十一月始發自成都于時正凜烈北風傷肌膚老父方多病乘牛取長途官道畏游兵山徑暗崎嶇所賴多戚屬恩愛相將扶敗絮惡且棄天寒不可無荒絕驛路亭但尋人迹下或復鬼神祠或復殘廬舍過水寒侵骨登山泥沒膝行行無所止日暮粗得息筋力已困疲伐薪具炊食野燒周四圍慮爲猛獸得腸胃如枯移塵羹潤顏色茆乾刺同刃刈拔偃終夕低頭就火視流血浸肘腋長松欹百尋巨石橫一里寒草藏開花枯藤留結子花開色何殊子結味何旨人力徒辛勞天地物皆美沿途苦桂苑除夕至綏州烽火正擾擾秣馬隔江流
出檄示軍官呼人爲濟桴一鼓入城中破屋何所求士卒感

苦辛各出飯一盆嗟歎令強食母以飢煩冤苦深精力消皮
肉皆血痕親戚在閬州可以救朝昏作書一尺紙爲報家人
存綿州城何大中川之要津舳艤接南楚車馬通西秦勢重
控部落赫奕鎮文臣濟濟數萬家一旦化荆榛狼狽白日走
魑魅哭城闕全蜀盡枯骨陰晦聚灾屯害氣久不絕耕鑿困
遺民親戚自遠道來迎當春天乞假各數騎背瘡深可憐大
馬一無輿小馬一無轔雙臂牽藤蔓聊東隣與羸馬力亦何
少相易出長道曠遠憂意外馬飢晵嘶草婦女艱難行痛哭
心慘哀負物置宿莽喘息還復來藏身匿村樹狃伺人歸道
畏恐驚舍去侶伴不敢呼日暮至一家炊飯若珍珠老人置
上座再拜謝荒蕪我顏如儂僕食我堂之隅飢人歎一飽盤

間禮意麤往往官長間亦復相餽鋪累月至閩山毛髮盡焦
枯古時蜀道難棧閣下方軌葭萌諸郡縣桑蠶遂生齒後世
割裂中恐滋羣盜壘利聞爲門戶大軍嘗麾指東川旣已沒
西川旅不守捍關一夫當賊人如摧朽始知遠畫策不在險
與否困頓留十日買舟意欲東倉皇奉老親出此豺虎中江
漢幾卅年衰弱病成翁颯然翻飛意不復故豪雄眾庶罹喪
亂我復爲勞人一朝辭墳墓相望若嵐噲卽此眼中路皆可
成海濱汨落如黃河舊事痛不已寸心思無窮隱忍未能舉
茫茫者天涯微身曷所止二三骨肉親居處各異里當此無
家別安能不傷毀天地固無情人生豈終否棲遲田野間白
首佳山水我自種梧桐遺妻樹蘭芷村醕亦已熟歡笑偕稚

子俯仰既無憾旦夕肆樂只嵐曼茆屋寬狂歌從此始

豐城安汝看梅同徐時俊

天陰霏遠霧山沒青隱隱江平沙徑幽春草發岡嶺舍舟尋
斷岸禾黍秀里井叢竹鬱勃深村樓列舊畚依垣老花樹微
香散寒影樹下逢一翁言簡氣光渾亦欲卜山居閒田畊半
頃

紡車口

七日五縣路三百六十灘山深無人至好鳥相綿蠻松樹大
十圍霜葉如渥丹此中有隱者抱璞鬚毛斑

贛州

宗子稱兵出中丞捕反時廟謨資節鍼亂卒倒旌旗往事餘

煙樹新愁醉玉卮南行弔楊僕春水遠迷離

憇霞嶺

野寺無僧住蠅涎四壁乾人家移絕壁馬跡亂空壇山色侵苔滑松聲夾道寒遠行猶百舍處處向南看

聽解二彈琴

自我傷寥落空懷大雅音忽從遷客指重見古人心巖溜潺
春雪松風出暮林秋鴻休再鼓幽怨已難禁

移家定草山下

移家接村舍地僻好煙光藏此新圖籍仍歸舊草堂自來幡
冢雨青入陸渾莊久住隨風俗悠悠野興長

朝天峽

一過朝天峽巴山斷入秦大江流漢水孤艇接殘春暮色偏
悲客風光易感人明年在何處妻子共沾巾

朋友

旣來不甚數去亦無乃輕吾且行鼓瑟子何多遠情山寒滴
珠露屋靜聞松聲幸有石闕在四時禽鳥鳴

贈客

屏跡屠沽內常懷一飯恩鐵椎報公子寶玦贈高人抗手自
茲別悲歌西入秦可詢王景畧搘疎向誰論

涇縣雜詩

異境絕塵俗從容到寂寥市人羣鹿豕村路出煙靄溪水胡
麻飯寒麪細蘿苗韭畠聞好鳥乘興石欄橋

機中

棧閣通秦道青天未易行盡過奇絕處不負有平生白馬巖
中出黃牛壁上畊野花埋輦跡幸蜀只空名

瞿村

二客乘秋艇翩然過古村不緣喪家久勝地足銷魂水族甘
魚蟹山居長子孫此中忘貴賤來往瞿公門

夢中作

勞心望春水春水載孤舟載此孤舟去江南江北流有時取
美酒獨上最高樓高樓何所見厯厯是神州

送姚曼之鹽城

淮南旋舍暫相逢便放扁舟過海東未有男兒長袴下不會

賓客處囊中萬山月色孤筇路十載秋思一笛風別後新詩
應滿篋重來爲我啄飛鴻

燕湖

城北淒迷水霧浮行人懷古自千秋空餘鐵券殉芳草不見
笙簧止亂流十里桃花春社酒一天明月大江樓久無蕩子
思鄉淚幾度鶯聲起暮愁

金陵懷古

一聲殘鶯旅魂消柳暗花飛過六朝甲第雲霞開壯麗樓船
鼓吹擁道遙石壇有路生春草商女無端泣夜潮極目可憐
鍾阜外長江空鎖水迢迢

呂太常潛自歸安移家海陵

銅龍宮闕遼山河臺笠翠雲就薜蘿天近南徐開霧氣人從
西塞狎煙波偷荒歲遠成遺老草木人稀發浩歌可許相邀
尋舊約江魚村釀共婆娑

洋縣

春山青後青春水綠復綠花開不見人何處滄浪曲

古琴

古琴久不理塵積斷痕斑爲君彈一曲明月滿江山

空宅

春氣生寒月色微蟠龍彌鳳隱雙扉主人一去留空宅花落

苔深蝙蝠飛

識舟亭

漁舠夾岸浪花腥
煙樹靄微草自青
春去何人記
蹤跡故衣重到識舟亭

飲友人家夜歸

岸幘歸來酒半消
月中頻望短牆遙
畔夫久斷繁華事
猶買春燈照板橋

紅橋

女蝶飛
鳥趁曉昏
火攻猶見舊
燒痕
春遊畫舫都年少
一路簫聲進水門

明詩紀事

貴陽陳田輯

第饑

杜濬十四首

濬初名詔先字于皇黃岡人崇禎己卯副貢生有變
雅堂集

姜垓質管集概于皇詩固極天下之奇而正自萬乃
詩家之真聲騷人之逸響

張明弼螢芝集于皇詩一若幽以深一若壯以麗一
若內無所不窺而外無所不際蓋定乎性情而饒乎

分力者也

薛索諾孟集于皇才若春華鋒可截兕
池北偶談康熙三年余與杜于皇陳其年輩同在如
泉修禊於冒氏水繪園賦詩或問杜阮亭詩何如答
曰酒酣落筆搖五嶽詩成儕傲凌沧州又問君詩何
如曰但覺高歌有鬼神焉知能死壤溝壑

漁洋詩話杜茶邨僑居金陵貧甚屢客廣陵甲辰人
日大雪時鎖印無事予造訪之清言竟日乙巳七日
余北上京師諸人祖于禪智寺卽席賦五言茶邨有
句云記逢人日雪造我吟窮愁謂此也
靜志居詩話政祐之間楚風無不效法公安吳陵者
于皇獨以杜陵爲宗是亦豪傑之士惜以阨窮老孟
貞曜所云好詩多抱山也
陳肇昌秋蓬集往聞之邵不如茶村有未刻詩三十
餘篇雜文一帙在上元張氏祕不示人訪之宜可得
將用廣其傳焉
方苞望溪集于皇少倜儻常欲赫然著奇節既不得
有所試遂一意於詩於並世人獨重宜城沈眉生吳
中徐昭法自愧不如
鄧漢儀詩觀都是一常眼面前詩經未都手便覺風
黃趣洋洋溢其才高其筆妙也
黃傳祖扶輪廣集余詩文審契首推于皇武林寓中
盧昭陳郊儕云于皇遇來爲詩一歲專事一體
遽起摸之曰龜叔知我貧也就吟席振筆直書立成
淮長歌一百七十四句一座爲之傾倒晚年貧甚往來
揚間客死金陵陳滄洲鵬年作守乃葬之於太平

門之蘆生平論詩極嚴於時人多所詆訶有富於財者重疇其集而焚之鄉人某搜得其遺藁行世卽變雅堂集蓋不及十之二云

明詩別裁茶韻長篇頗近頽唐又間澄船鼓吹歌以此得名其實頽唐之尤者也五律蒼蒼莽莽自是大家舉止考田詩話杜于皇以勝國遺民流寓白門龔芝蘆宗伯招飲演項羽故事扮虞姬者固楚伶坐客曰楚人演楚事先生楚人請以一語贈之提筆書絕句云年少當場秋思深座中楚客最知音八千子弟封侯去惟有虞兮不負心語闢名教不得以罵坐少之

田按于皇詩師法杜陵身際滄桑與杜陵遭天寶之亂譽同故其音沈痛悲壯讀之令人酸楚

嵇康

嵇康人中龍義不可當世視彼盜國臣伎倆如兒戲吐辭薄湯武千載有生氣臨命索琴彈聊示不屑意

懷尚白施公

宣城用心苦達曙嘗不寐廣業信惟勤讀書彌益智練格貴
清高造語必精緻贈我孤松簾霜雪化爲字有文繼實三疇
世一能事

至清江浦

江浦盤淵異河流疊浪匀已知家稍近漸興定酒競鮮劍無
完室彈冠有破巾幾人相問訊河日離燕塵

歸來

屢怯刀還夢今知返草堂吹簫徒倅免躍馬太踰跟豈有相
如宅空猜陸賈裝歸來魂更苦深悔聽巫陽

雨後集含露堂言別論文分得留字

桐栢交陰處能爲雨後秋過從舍別緒談笑隔清流古意淮

南葉他鄉劍外州十年對知己今日自言留

真栖摘錢過草堂酌我時余自滁陽返真栖自武昌復來

破日秋光好荒年酒債平相逢沽一斗亦足慰殘生我恨梅
花落君悲漢水清鄉愁何必話鐵笛作邊聲

清明客瓜渚作

又值清明節春晴只苦風鄉關惟我遠野哭與誰同亂世紙
錢薄荒江兵馬雄飄萍多少淚半落酒杯中

焦山

觸處迷人代茲山尙姓焦上頭仍棟宇到眼忽雲霄樹色南
徐近江聲北岸遙衣冠留洞壑不必訪松寥

元夕江樓看月

星火夢瓜洲燈時得勝游難逢今夕月復此大江流碧浸三
山影煙含萬古愁夜深誰擊楫吾道在漁舟

聽軒石琴

江雲飛不盡流水上空堂寂歷人誰在颺颺曲自長哀緩吟
雪嶺匹馬弔沙場此意吾能識憑君鼓數行

寄胡孝緒太史

野客天邊抱膝窮愁贈藜閣憶名公詩成晉代衣冠後別在
秦淮簫鼓中想見雪兒歌折柳莫辭春酒學郵筒劉郎到日
應相問虎氣龍身注草蟲

蘇子瞻

堂堂復堂堂子瞻出岷峨幼讀范滂傳晚和淵明詩

漁洋詩話于皇吟蘇子瞻詩與端毅每諭之以爲二十字說盡坡公一生

閔君談水東之勝

魚愛深潭鳥愛叢君談句句合幽蹤憑將骨與青山誓老號
詩人杜水東

送顏孝升至燕子磯

江干欲別更維舟沽酒斜陽好滯留直上燕磯高處望青山
白雪是神州

董樵十二首

樵字樵又字亦樵一名幾字裔谷萊陽人崇禎諸生
有南遊岱遊賈遊入山偶存燕山還山耦耕堂等集

漁洋詩話董樵江東懷古詩云春風嗚咽鳴珂地寒

雨淒涼散螺辰又春風公瑾墓細雨呂蒙城樵有集

三四十卷屬余論定未及報而樵卒

靜志居詩話董生高蹈之士甲申後移居文登海濱

日荷蓧入市易米人莫知其住處縣有紳士要於路

與言生棄薪道左詭云吾科頭當取冠與公揖竟去

日暮不復來紳士取棄薪以歸曰此高士所遺也生

從此不復入市其詩令騷掩雅惜不多傳

田按亦樵詩華整矜鍊不類山澤之寤集久不傳嘉

慶中其鄉人選刻傳之惜未備也

同姜如須宋林寺禪院冬居和如須見贈韻

桑梓豈無念人情反覆新逃名知俗累避世覺僧親風雲優
曇雪香凝祇樹脊與君塵外意蕭颯見衣巾

九日邀宋殿白張省括宋楷林蒲水伊水張芳潔登花

石舉小酌

貧苦惄愁日衰殘多病身黃囊秋色老魯酒故交親薜荔紅

依樹谿山晚照人勞勞何處是自覺石泉真

同王文石表兄夜歸大漳

又渡寒沙路疏星平野長貧成萬事拙人老十年荒瓢空多
山色鬢眉半夜霜行藏難自問回首意蒼茫

村莊止宿

始踐尋梅約今朝載酒過遠村花氣合春社鼓聲多野艇宜
鷗鷺幽人到醉蘿醉來歡藉草煙月任高歌

遊禪覺寺

策杖尋幽徑轉深禪關春意問嚦僊勞人山色偏多怨留客
溪聲似有心埽石爭題苔斷壁傾樽直待月穿林疏狂到處
堪存迹明日重來過北岑

閒步

日向滄洲曳短筇年華隨處任從容尋常粗糲留佳客斟酌
桑麻問老農雪霽階除爭鳥雀月明江海卧魚龍喜看修竹
清如許真待三春花事濃

雨過玄墓

箬笠探幽厯嵒峯冥冥細雨隔山容谿流迴合看無路樵牧
依稀渡有蹤荒塚麒麟春草暗梵王臺殿碧雲濃洞庭入望
青蠻杳煙水蒼茫十二重

抵越州感懷

江東行殿已荆榛碧瓦苔深有暮燐南渡從官矜上第西清
封事主分鄰春風咽咽鳴珂地寒雨淒涼散蠟辰嘶媿鳴夷

終霸越功成甘作布衣人

禹陵

崔巍宮闕空山裏此地曾經會萬邦遊客帆檣春探發痕園
風雨夜歸幢千年貢賦還滄海三月龍蛇起越江野老不知
疏鑿力滿庭薜荔上虛窗

午日湖上

絃管中流越客船榴花蒲酒自年年白雲仍向雙峯合芳草
平看萬馬旋競渡旌旗含落日江城畫角動晴川乾坤幾處
留漁釣坐卧石磯夜月圓

中秋傅定侯使君招飲精舍

微雲籠樹暗高秋幕府依山曲幽賓客欣逢河湖飲笙歌

清徹庾公櫻故宮明月荒鳩鵠海上仙槎望斗牛卻憶芙蓉
寂寞夜何人尊酒對滄洲

花山

錦樹瑤花十里濃香臺石磴白雲封似無高鳥凌雙翼更有
幽人策短筇梵閣寒光依絕壁禪林清夢覺晨鐘曉來直到
蓮峯上煙鎖珠宮隔幾重

陶徵十九首

激字季文字昭萬寶應布衣有湖邊草堂舟車前後

集

四庫總目季平生足迹半天下詩多於舟車得之因名
舟車集其詩多才鋒踔厲風發泉湧不爲邊幅所窘
然有警句亦有率句有健句亦有弱句蓋跌宕有餘
而陶鍊未至者也

池北偶談寶應陶徵字季萊陽董樵字樵二人皆以布衣遊於都下初不相識子爲介之日二君非但詩

筆相當卽一字字亦絕對也二君遂賦詩定交徵所著舟車集子爲刪定其客滇南閩中諸詩多似高岑

龍標今日一作手也阮元淮海英靈集昭萬詩取法六朝初盛唐蒼老道

逸爲時鉅手朱彬白田鳳雅括翁詩體源少陵其當二吏三別詩

蓋生丁未造目擊明季秕政感憤而作故多變徵之聲

田按陶季詩筆勢聳拔有凌紙哭瓦之觀明季古詩如此者鮮可以自成一隊

當新安吏

我生遺末造天戒猶未央連延三輔地十載九旱蝗害氣致晦蒙妖星爲櫬槍有時雨如血疵癥見伯彊中原復凶飢行者心靈傷城郭漸蕪塞弱肉爭豺狼邊境士易驕脫巾呼癸庚絲管斂且盡國計何倉黃守臣繫安危川決必有防涓涓

不能遏犯濫日以長蠭賊關西來縱橫入畿疆詔旨下六郡
大義誠激昂我亦良家子戴履共一王聞詔卽自誓肯復依
舊鄉雄劍久挂壁拂拭生輝光持此報恩去存歿惟沙場

當垂老別

槍雲起西陲黔翳紛四塞地缺紫溟漲天傾白日蝕中原正
格鬪東南括民力宰相出筦兵奔走不得息江漢特鎖鑰矯
矯虎而翼尾大莫敢制癰潰徒自感帶甲十萬人秦越終異
域諸蕃復流膚淮泗苦畢弋天子曰深居優詔還示德側聞
京尹令上奉司馬檄大募勇健兒蹶張守鳴壁者夫年半白
鬢髮尙黎黑沃土棄蓬蘽諸男委鋒鏑入爲飢寒併出爲豺
狼侷不如事征戰橫行寄胸臆

飢民謠

高原託羣命仳離無安居三日僅一食誰復計其餘大府方
南來宣言發倉糈皇皇感且泣提挈滿路衢里正仍作奸公
然雜追呼終歲重剜肉不得寬須臾蒼天聽彌高吞聲行次
且艱難已盡骨願乞身爲奴

潦水溢

吾邑兩隄決百里今無村巨室渺露積貧者惟瓦盆倉皇馮
高原仳離能幾存老弱僅一息敢計齏與殮粒食苦難計先
謀賣雞豚白日亦晦暝陰黔徒飛翻回憶總髮時吾曾罹此
屯豈意數十載重見傷心魂城郭半卑溼急雨摧蓬門十屋
九泣窶日仄嘵兒孫里巷旣窒塞溝洫多崩奔東西陷溺甚

破壁連苔痕吾廬幸未圯萎盡草木根誰其披雲霄陳惣通

九闡

將進酒

白日猶猶容易過春風玉顏當奈何君能忘憂我和歌重傾
迭酬金叵羅鴈脂擘麟脯坎珠羹流玉醑憂來填膺不能
食何如交懽及爾汝君不聞閉關沈湎稱達生又不聞大嘯
狗寶千載名人生不飲空獨醒

陳州宮舍觀定番刀歌

馮生短小氣超絕遭逢險巇百不折撓來襍被蕭蕭寒腰下
尚餘三尺鐵自言生平非馳騁驚賄此非關學荆尋間時摩挲
獨快意不肯尋常向人說昨宵拊匣爲余發熒如青虹湛如

雪婢暗錯鏤凝鬼工赤文盤螭細糾結虛堂無人四焜耀迸
出寒泉照人冽半生牢落壯心在對此不覺耳後熱明日辭
君大梁去嘵鳥東風綠楊陌天涯萍絮吹復來當酒何須黯
然別男兒志意在勇決讐鳥將秋氣先掣淬鋒斂鍔元有宜
君不見古人周防慎明哲

浮湘

春江北流日西匿繁景割波留不得道旁赤岸今爲墟
霸業何人更相憶昨宵傾雨來自東巴陵遠樹煙空濛湘娥染黛
幾千歲朝暮只臨明鏡中柳生井邊沒芳草依然昔日相逢
道音沈響逝天茫茫愁見白波吹浩蕩船旗不定南風旋敘
寃一聲聞杜鵑

陳思王墓

斜日晝高樹秋風生細塵
可憐衰草地猶是建安人
白屋更新主青山結故鄰
童童雙柏在風雨各千春

繁臺同子山

平野秋無際麗城曉未闇
共君聊駐馬杖策更登臺
抱日孤村出衝寒一雁來
茫茫自今古吾意不須哀

宿溢浦

江郭夜初靜月空復情好
山無恙在纖月可憐生對酒顏
先熟懷人夢不成荻花風動後憔悴
欲三更

訪蕭處士汎湖歸

南郭散墟煙人乘放鴨船
一溪清漾影萬木翠侵天
覓句驚

聲裏尋春燕子前何當結鄰住吟坐草芊芊

登恆山

恆陽地與塞垣通山勢紓迴接大同黑霧不消陰礪雪翠微時下石壇風燔柴有制恩虞典持節無人出漢宮幽渺嶽靈何所寄歸然碑版綴苔紅

七夕

誰道神仙任別離本無憔悴隔年期人間錦石空相謾天上河源實未知烏鵲自還秋樹裏彩蟾空落夜潮時雲霄一望皆寥廓渴鳳鯉魚費所思

八月一日

八月一日江上歸石頭城邊橫翠微雲霞晴色自朝暮松柏

故陵今是非柳花不見酒應熟湖水初平魚正肥年來矰弋
未嘗廢此後只虞鴻雁稀

北道二首

萬木吟風沙路長居人茅屋置中央門前繫馬誰家子漫坐
調鴈送夕陽

城西芒角動寒星城北塵沙塞冥莫問十三陵下路有時
山鬼哭冬青

襄陽謠

真州大舶萬斛強真州小婦紅粉香勑郎峭帆莫更急林中
城郭是襄陽

故宮詞二首

水殿風搖楊柳絲先皇朝寵獨憂時抽毫卻寫賢臣頌面敕

中涓賜主兒

自注故宮人左氏今爲民間浣衣婦能言掖庭舊事云宮中稱皇太子曰主兒

慈寧宮禁老莓苔元日驚傳法從來上下隔簾遙拜畢六龍飛輶一時回

懿安張后居慈寧宮帝朝后不相見於簾內答兩拜

萬壽祺

二十二首

壽祺字年少徐州人崇禎庚午舉人自稱壽道人有

西草堂集

胡介河著集彭城壽道人數緘詩相勞每得其十絀

孤詠輒如采杜若於芳洲吹玉笛於滄海使人自遠

今世說年少自詩文盡之外琴碁劍器百工技藝無不通曉

無聲詩史年少古文詩詞皆雋永秀拔頗精篆刻得漢人章法隨事賦形不假配搭絕去柳葉纖線急就闢銅諸習行揩道逸有鸞鵠停跡之槩畫士女作唐裝楷模周昉不必點染明媚得靜女幽閒之態山水

林石隨意點染，自然出塵。其筆墨甚自矜，惜鼎革之後，儒衣僧帽往來吳楚間。

靜志居詩話：年少多才，多藝詩亦清逸，無努目掀髯之狀。

田按：年少詩壯麗，有芒碭猛士之風。國變後，尤多激楚之音。如長安一夜陰風，慘萬毒臺前血未乾。二陵殘黍，西風急。十郡寒笳北吹，哀山川不改。真人氣涕淚重，露逼客衣。人間歌哭悲風起，天外登臨落日斜。青門花鳥芳樽滿，滄海旌旗畫角哀。百年陵戶松杉老，十代官祠日月荒。入門自覺淚瑟瑟，握手空對湖鄰鄰。陵戶無人朝上食，閣門懸馬夜鳴笳。南山無恙身將隱，東海餘生淚未乾。于山江南之哀皋羽，西臺之哭不是過也。

讀曲歌

江頭颯婀娜，天風吹四面。歡心似江驅，隨風日日變。

志別

有友有友閉松閣，一旦出門游海壑。寶劍三尺走下邳，新詩

一卷夢康樂禿髮露頂擁襆被舉手定交禮數略七尺立地
自嶠崿雙晴向人長磊落一從側身天地間古往今來事如
昨治亂勞勞何日甯仕隱紛紛互酬酢牢落風塵非一人與
君萬里同寥廓

送友

昔人交道重白日今人交道重飲食策杖四海空歸來蕪蕪
滿把無人識今人爭與昔人同與爾殷勤淡漠中萬里彷彿
如對面一時努力千秋通世間碌碌生且死富貴貧賤亦偶
爾蘇門清嘯轉眼空君且還家我在此

株陵舟讌

北郡長戎馬東吳小太平笙簫雲外出士女鏡中行水氣肥

楊柳秋風老杜衡月城雙槳去半夜望河明

行腳

杖盜孤蹤去淒其驛路間水喧沂北道風撼穆南關飛鳥移
前浦歸雲滿故山五年江上客今有幾人還

隰西草堂

老病移淮市擔簦稱逸民乾坤悲晚歲山水憶前身芳草舟
車路桃花秦漢人冥冥謝弋者雁羽在沈淪

北上

時逢飲馬窟清濟百年游盜賊東山閉關梁西塞愁陰風吹
大澤白日潛沂州處處憑高望春雲滿故邱

發彭城循河南下

路接長隄窈窕橫家家風雨釀清明望窮芳草行人出閑徧
桃花春水生落日山河臨大澤極天烽火接高城中原羣盜
今方盛聞道西師已厭兵

甲申大雪前二日同汪大嘉光包二輔挑燈永夜

閉戶陰風暮轉廊檠燼爐茶碾倚方牀一年凍雪雲初合此夕
挑燈夜未央雁響自沈江渚遠馬蹏誰踢野城荒明朝重放
雙眉角欹帽踏踰入酒場

燕子磯

碧燈重陰長古苔孤亭日影見層臺石城對岸千松合鐵鎖
當門一水來不夜車騶雲外過臨春香草雨中聞江冥人去
蕪城遠潮打空山歲幾迴

京口社集

桐花三月蕪吾廬櫻筍年年短犧車米氏研山收北固蕭家
賓客起南徐鳥嚦芳樹香輪遠人散春城碧草舒隔得揚州
煙雨外畫樓簾影夜如何

贈顧大

新亭殘淚未曾乾猶見江東顧彥先襍被自攜彭蠡賦題詩
獨紀義熙年舊京耶將才方壯南渡君臣國蹙遇淮海登壇
人在否桑田十畝且高眠

贈胡大介

河渚經營訖隱淪乾坤草莽一閒身南陽高卧眞名士東海
餘生舊黨人十載空蕪同入夢三冬冰雪獨傷神荷鉏歸去

田廬閒莫向人間學問津

過蘭陵禪寺

秋殿玲瓏秋水明黃花碧樹寺門平僧投退院人聲寂月滿
高城仙梵生鐘磬六時依淨土棲苔三歲怨周京爲詢旣金
懷歸者誰向西方最有情

再入沛宮

泗亭春盡樹婆娑漢帝宸遊不再過魂魄有時還至沛樓臺
落日半臨河風吹大澤龍蛇近天入平沙雁鷺多我亦遠隨
黃綺出東山重唱采芝歌

將去夏陽留別諸公

塵世碌碌何所求湖東高臺時一遊不需奏免孫長史更遇

鞭撻張徐州南月娟娟倚峭壁北風栗栗吹寒邱出城盜賊
滿郡縣兩耳塞驅歸去休

草堂外舊梅一枝放花

贋得南枝疏影橫草堂谿館獨淒清百年冰雪身猶在十日
春風花又生亂後故人猶見汝定中居士未忘情紛紛桃李
滿城市坐對空山共月明

登臺城東望

江梅依舊發紅花碧宇清江滿磧沙陵戶無人朝上食閣門
懸馬夜鳴笳兩朝禮樂風流盡六代衣冠落照斜暇日臺城
一回首淚痕洗面向東華

有憶

梧桐清露不勝寒獨夜無人共倚欄鴻雁一聲天似水西風
兩地月中看

登安宜西門

雙淮風雨自西來一望茫茫盡可哀記得去年曾過此安宜
秋草沒櫻鞋

題畫

朱藤花發乳鷺飛草滿前湖人未歸莫向浦西畔立斷腸
春色在斜暉

天山曲

木落天山征雁來北風吹雪磧門開舊時賓客蕭關外更上
單于百尺臺

貴陽陳田輯



胡承諾二十六首

承諾字君信竟陵人崇禎丙子舉人有青玉軒頤志
堂菊佳軒等集

居易錄竟陵胡袞手寫其父石莊先生讀書說四卷
繹志十九卷相寄屬序其書亦中鑒論衡之流也石
莊博雅工詩尤長於五言古選褒太學生亦能詩有
寄余八詩極佳予編感舊集取石莊五言頗多賡詩
未假新文充秘府先將詩格入編題謂此也
楚風補君信敦行寡言望而知爲盛德君子晚年學
益力著繹志六十一篇成一家言卒年七十五
湖北詩徵傳畧承諾識解超邁有屹立不移之操丙
子舉於鄉慨然有舉道易世之意及計偕入都見權
奸明結國事日非正人君子與齷齪爲難將激成禍
辛巳卷十五下

變南宮試罷驅車過大明門下轍揮淚隱隱以遠方
之臣長謝京華去矣及國步之改人皆灌磨求用承

諾深自韜晦謝客著書以卒

田按君信詩有深沈之思古樸之質在明人中可以高挹蘇門平揖夢澤五七律音節瀏亮而自有別趣

肆耶篇

漢家都肆耶紺衣白羽箭一發破巨石馬上橫槊善至尊亦含笑詔以軍禮見羽林百餘人獨賜上方絹載聞羽檄馳繆荷公卿餽受賑出都門東甲事征繕連營幾百里大小數十戰城邑歸版圖羌僰朝北面軍正旣書功士卒皆乘傳朝會建禮門策勳白虎殿太常銘彝器光祿開廣宴晉疏五等爵俾侯萬家縣由來寵貴臣禮絕疏與賤韓盧不獲免何以答

天眷

昔遊

少年抱沈疴志輕人間世散木誠不材虛舟誰能繫見人無
拜揖語默恥暗嚙時與嵇阮遊朗然行天際一與病怯辭所
在成詬厲褰裳迹已濡濟物理猶戾狂風振溟海殺氣浮疵
癟君子據蒺藜智士困羸艱大患若倒懸小患若踰盪盡人
無相恤愁歎以卒歲

覽古二首

功成不易居自古多危厲吁嗟蕭相國依光日月際起沛贊
神謀誅秦決大計樹基嚴筦籥卒補精銳竭資奉軍實聚
族赴行衛沈慮辭禍機極深遠疵戾一言忤龍準天威不少
霽太史猶書勲宗臣已械繫詔達漢祖心忠謹鄭侯世有孚

如不終所據皆疏貌

蒼姬膺寶歷蠶鷺鳴岐豐繼體皆恭儉景命日以融刑措四十年至樂與民同始聞穆天子荒宴瑤池中復聞夏庭妖歎起入深宮鬱成前星隕寇來宮室空十五始基命十四卒喪邦安得黍離詩誦彼瞽與朦惜哉疏爵日磐石固大宗五服未雲擾階闡已內訌至今西土人不敢斥王躬皆云用讒歷馴致此鞠凶慘潛行邑里悲憤填心胸旣恨號石父復恨榮夷公

古意

楊柳託禁煙嫋娜不自持零露下百草晨夕非故姿飄英依宿壤槁葉抱前枝一朝蒙採掇長與根株辭質美必榮遇旣

榮苦易衰後此棄置機卽在握手時霜雪亦天功胡令羣芳
萎自是繁華子歲暮爽所期清泉映白石終古不相離

藥盤吟

石折市里中鵠集承塵上達人固知命是以解惆悵病軀自
弱冠草木香衣桁至今七十三藥盤隨所向如聞肺腑語免
教醫師詬極知減俗累志趣得疏放譬若馳輕車轉丸下疊
嶂懼以慎疾心誤墮貪生障何日排冥筌無藥亦無妄

候鍾居士不至

居士採蘿歸澗底無行迹幾年避火食雲氣生兩腋偶逢負
薪侶寄聲道旁客孤飛蘆耽鶴迢迢不可卽

陸文學茶井

茶井覆釜洲至今淪沒久專祠表祇圓亂後亦何有清風動
孤磬湖煙散高柳

七里汚

名齊嚴子灘一展東皋眺平蕪旣蕭散水木更清妙豈無幽
棲者異地亦同調

俠客行

俠客雄劍色如銀紫靄碧眼膚龍鱗銜恩不解道姓字但逢
危難思致身人生一死何容易此客以死酬衆志事雖未成
人已驚身餘一擲情猶愧擣擊能空九世仇赤丸夜出貪夫
憂漢家方重殘衣士此客年少今白頭

夏日郢中集呂公寅宅

多難星霜改留歡此日同注床家釀熟散髮石林空片雨夷
陵黑殘霞夢澤紅瓊枝猶解渴况復對車公

贈鍾居易

此時鍾居士他時一隱林癯惟食松子間只數家禽樹葉安
禪合溪雲宴坐深一燈無障礙常照妙明心

秋日贈點雪上人

何處息勞侶紺園秋氣清晚風禾黍熟斜日野禽鳴樹葉交
深坐藤花照獨行逍遙雖有注至此已忘名

卜居

宵城夏水北新市泌山東窈窕羣流會參差眾壑同耕田隨
楚老蕩槳學巴童於此逃名姓吾甯黃綺翁

送王山長還湘潭

湘水孤帆轉衡山深淺看聽歌來遠柂弄影狎危灘照日青
林縹颺風極浦寬撫心渺徑寸送子越層瀾

吳旣閑移家相近喜而贈之

之子來何晚山中木落時清談連夢寐月色在階墀江草吾
將刈舊遊君莫思寒宵兩客鳥共對一霜枝

老人歎

馮唐非皓首顏淵豈龐眉老有徐來日窮無送去時遊絲牽
落繁徒鳥匿深枝病骨年年換偷踰自我爲

自浮梁赴饒州

百里餘千積翠來晴江水緩暗生苔晚猿初起船纔繫脊鳥

能言花盡開洞口澆泉留客賞雲邊買酒喚確迴曲中暴龍
嫌餘俗一夜微停畫角哀

贈寒碧上人

往事曾隨鮑照遊碧雲高唱滿吳洲煙埋宿草勞香閣葉下
繩床倚石樓種智自能觀小刦客塵爲我洗寒流東林欲別
還凝望斷燒平蕪不勝秋

曉起

布穀五更嘯至曉披衣行到野人家昨宵殘霧猶沾草何處
輕風更落花初夏懶梳頭上髮舊疴知禁卯時茶開門自怪
身將老不類兒童臥日斜

入村

常多旱潦世方艱不測與圖有觸蠻鳥鵠春孽巢未補風雷
晝晦雨猶慳客談朝事閒停杖門掩僧房學閉關三十年前
曾此地深衣綦屨出林間

雜興

飯稻觀花足此生心光內照息無聲駐顏莫被丹砂誤搔背
難逢指爪輕坐近匡床時假寐間吟翠嶂任徐行何須更住
雲泉側滌盡塵昏氣自清

澄湖

西鄰有歸客落葉滿黃昏歧路無相識殘陽送到門

送人還山

挂子松花盡擬攏掉頭捉鼻定難兼酒泉南嶂宜堅臥莫羨

徵書到宋纖

湘陰阻風

西上喜聞欵乃曲南遊
畏見磨崖碑湘流解送欲歸客何事
天風卻到吹

與謝階生夜別湖上

家住微茫認水雲
漁歌中斷卻相聞
扁舟漸近空村月望盡
湖煙不見君